

*Imperium majorem.*

*Urba.*

*Lacus.*

*Flumina.*

*Montes.*

Perdicum ingentem multitudinem : nec non & Psittacorum varii coloris. De Indorum imperio Plinius ita scribit : *Indi prope Gentium soli numquam emigrare finibus suis, Colliguntur a Libero Patre ad Alexandrum Magnum Reges eorum CLIII annis VICICCCCII; adiciunt & menses tres.* Scribit etiam Strabo de Indis, ad eos nullum præter *Liberum patrem, Herculem & Alexandrum* cum victoria protectum esse, quamvis a *Cyro & Semiramide* tentatos. Sed his relictis ad Vrbes transeamus. *Alexandri Magni* comites in eo tractu *Indiæ* quem subegerant, VICI Opidorum fuisse scribunt, nullum *Co* minus, unde hujus regionis vastitatem & ingentem amplitudinem facile agnoscas. Vrbs primaria est *Calechut* totius Orientis Emporium celeberrimum. Sunt & aliæ, *Cambaia, Decan, Batticalla, Canonor*, aliæque plurimæ. Non desunt Lacus aliquot vasti. In Historia *Alexandri* mentio fit *Lacus*, vel *Stagni* vetusta abundantique silva coronati mille passus patentis, ubi exercitus ejus siti pene confectus, refectus est. Omnium vero maximus est *Lacus Chiamay*, cujus circuitus cccc milliarium, distatque a mari 100 miliaribus. Hinc complures fluvii præcipui originem trahunt : post eum *Cincubay*, atque alij. Amnium hic mira vastitas. Proditur *Alexandrum Magnum* nullo die minus stadia 100 navigasse in *Indo*, nec potuisse ante menses quinque enavigare, adjectis paucis diebus : & tamen minorem *Gange* esse constat. Oritur hic in *Caucasi* jugo quod vocatur *Paropamissus*, hodie *Nangocrot*, & longo cursu nongentorum milliarium in *Oceanum Australem* sive *Indicum* duobus oltiis erumpit. Vnde viginti recipit amnes, sed clarissimos *Hydaspem*, quatuor alios adferentem, & *Cantabram* tres. *Gangem* alij incertis fontibus ut *Nilum*, rigantemque vicina eodem modo : alij in *Scythicis* montibus nasci dixerunt, influereque in eum XIX amnes, Alii cum magno fragore ipsius statim fontis erumpere : dejectumque per scopulosa & abrupta, ubi primum molles planities contingit, in quodam *Lacu* hospitari, inde lenem fluere, ubi minimum VII mill. pass. latitudine : ubi modicum stadiorum c : altitudine nusquam minore pass. xx. Hunc in sacris *Phison* vocari notatum est. Eum hodie Geographi quærun. Sunt qui opinentur eum esse qui in sinum *Bengalæ* influit, fortasse ob nominis vicinitatem, adcolæ enim vocant *Guenguam*. Sed Mercator noster haud adspersandis ductus rationibus *Gangem* dicit esse eum qui dicitur *Rio de Cantanor*. Post hosce amnes numerantur *Mandona, Chaberis, Ava, Campumo, Menam, Menon*, & alii plurimi. *Megasthenes* prodidit sexaginta amnes *Indiæ* numerari, quorum permulti ætate crescunt instar *Nili*, quæ potissima est fertilitatis hujus regionis causa. Nutrire dicitur *Ganges*, sicut *Nilus* *Crocodilos*, item *Delphines*, *Anguillas* quoque ad tricenos pedes longas, *Plinio* teste. Est vero potissima *Indiæ* & nobilissima *Oceano pars Meridionali* seu *Indico* obversa, juxta littus, seu oram maritimam : quæ etsi plurimum portuosa sit, attamen plerisque in locis innumeris *Insulis*, scopulis ac brevibus cineta est, unde navigatio laboriosissima & periculosissima redditur. *Indica maria*, ait *Solimus*, *Balenas* habent ultra spatia quatuor jugerum. Sunt & quos *Physeteras* nuncupant, qui enormes ultra molem ingentium columnarum, super antemnas se navium extollunt, hauctosque fistulis fluctus ita eructant, ut nimboſa alluvie plerumque deprimant alveos navigantium. Plurimi hic *Montes*, magnusque labor sit eos enumerare,